

皇朝詞林典故

卷四十一

之四十二

PL
2548
C55
1887
v.23

LIBRARY
MAR 24 1975

皇朝詞林典故卷四十一

藝文

疏

應

詔獻言疏

曹本榮

爲應

詔獻言事竊

臣

伏見

皇上親政以來。良法美意。漸見施行。而猶水旱洊臻。星辰失次。何歟。誠以

聖學未講。而紀綱未張也。何謂

聖學。

皇上得二帝三王之統。當以二帝三王之學爲學。凡四書六經。及通鑑中有裨身心要務治平大道者。內則朝夕討論。

外則

經筵進講。

君德既成。天命自相與流通矣。何謂紀綱。

皇上開天肇造。舉措規模。當爲聖子神孫計。

深遠。用人何以獎廉而禁貪。理財何

以藏富而用足。刑罰何以爲折民之

典。制度何以備一代之規。誠宜重政

本以一機務之權衡。嚴奉行以責綜。
覈之實效。一切章奏事宜。必須接見。
輔弼大臣商確定奪。經制一定。子孫
得以世世遵守矣。謹疏。

遵

旨條奏事宜疏

熊賜履

爲遵

旨條奏事。臣以迂庸備員侍讀。恭逢

皇上虛已求言。不敢摭拾浮詞。以瀆

宸聽。謹因

聖諭所及。而推本言之。伏讀

詔書曰。今聞直隸各省。人民疾苦困窮。深可

憫念。或因官吏朘削。或因法制未便。此真

二帝三王之用心也。但

國家日言生聚。而凋敝愈甚。日言軫恤。而瘡痍不起。日言招集。言蠲免。而流離瑣尾之狀。不可勝言。邇厥由來。誠有如

聖諭所云者。蓋小民終歲勤勞。僅給俯仰之資。而夏稅秋糧。朝催暮督。私派倍於官徵。雜項浮於正額。設一旦水旱頻

仍。饑饉見告。蠲賦則吏收其實。而民
受其名賑濟。則官增其肥。而民重其
瘠。此不獨守令之過也。上之有監司。
又上之有督撫。有司之職業在地方。
上官之激勸在舉劾。伏乞
皇上將現任督撫。大加甄別。賢能者加銜久
任。貪污不肖者。立賜罷斥。無令久居

民上嗣後督撫缺出不拘內外臣工。果有端方清正望重才優者。

敕部院大臣從公保舉授以茲任其考課也。

以民生之苦樂爲守令之賢否以守

令之貪廉爲督撫之優劣則廉者以

勸貪者以懲有利必興有害必除而

民之不得所者寡矣此

聖諭所已及。而臣詳切言之者也。雖然。內臣
者。外臣之表也。京師者。四方之倡也。
本原之地。亦在乎

朝廷而已。臣請擇其重且大者言之。一

曰政事紛更而法制未定。我

國家章程法度。其間有積重難返者。不
聞畧加整頓。而急功喜事之人。又從

而意爲更變。但知趨目前尺寸之利。以便其私。而不知無窮之弊。已潛倚暗伏於其中。朝舉夕罷。以致盈庭聚訟。甲令游移。此時事之最急者也。伏乞

皇上敕下議政王貝勒大臣九卿科道將

國家制度。詳慎會議。凡沿革損益。參以

古制。酌以時宜。勒成會典。頒示天下。
則上有道揆。下有法守。垂裕無疆之
業在此矣。一日職業隳廢而士氣日
靡。

國家之設官也。滿漢相制。堂屬相維。正
欲其同寅協恭。俾責無他卸。近見大
小臣工。往往依阿緘默。絕少實心任

事之人。甚或託老成慎重之名。爲尸位素餐之計。樹議者謂之踈狂。任事者目爲躁競。廉靜者斥爲矯情。端方者誚爲拘迂。間有修身體道。讀書窮理之士。則羣指爲道學。而非笑之。百計詆排。必禁錮終身而後已。伏乞

皇上立振頽風。作養士氣。申飭滿漢諸臣。虛

衷酌理。實心任事。是則曰是。非則曰非。漢官勿以阿附滿官爲工。堂官勿以偏任司官爲計。宰執盡心論思。而不必以唯諾爲休容。臺諫極力批繩。而不必以箝結爲將順。則職業修舉。官箴整肅矣。一日學校廢弛。而文教日衰。學校爲賢才之藪。教化之基。而

學術事功之根柢也。今者庠序之教。缺焉不講。師道不立。經訓不明。士子惟揣摩舉業。以爲弋取科名之具。絕不知讀書講學。以求聖賢理道之歸。其高明者。又或泛濫百家。沉淪二氏。誣民惑世。莫此爲尤。伏乞

皇上隆重師儒。興起學校。畿輔則責成學院。

各省則責成學道。使之統率士子。講明正學。非六經語孟之書不讀。非濂洛關閩之學不講。敦崇實行。扶持正教。

命府州縣擇士子中志趨端卓英俊可造者。各舉一二人貢之。

國雍。寬其館舍。厚其廩餼。又於廷臣中

擇道德高劭之人。俾司成均。日進諸生。而陶淑之。其道必本於人倫。達乎天德。其教自洒掃應對。以至於義精仁熟。漸摩誘掖。循循有序。三載之後。學成材就。司成次其優劣。彙送吏部。量其材之大小。學之淺深。而授之秩。其公卿大夫之子弟。亦如之。至如山

林隱逸之士。有經明行修。德業完備者。仍請

敕下地方大吏。悉心諮訪。據實

奏聞。

朝廷優禮延聘。加意褒崇。以爲士習人心之勸。則道術以正。學術以明。教化大行。人材日盛。其有補於國也。寧淺

鮮哉。一曰風俗僭侈而禮制日廢。禮者。聖王所以節性防淫而維繫人心者也。臣觀今日風俗奢侈凌越。不可殫述。一裘而廢中人之產。一宴而靡終歲之需。輿隸披貴介之衣。倡優擬命婦之飾。此飢之本。寒之源。而盜賊獄訟所由起也。然禮教之行。自貴近

始。伏。乞。

皇上躬行節儉。爲天下先。自王公以及庶士。
凡宮室車馬衣服僕從。及一切器用。
之屬。俱立定經制。限以成數。頒示天
下。恪爲遵守。不許少有踰越。久之儉
德日修。澆風日息。民俗醇而人心厚。
幾於淳龐之治。不難矣。雖然。

皇躬者。又萬幾所受裁。而萬化所從出也。我
皇上。神明天縱。睿哲性成。今春秋方富。薰陶
德性。端在此時。伏乞

慎選耆儒碩德。置之

左右。優以保衡之任。使之從容閒譙。講論道

理。啟沃

宸衷。涵養

聖德。又妙選天下英俊。陪侍

法從。以備

顧問。毋徒事

講幄虛文。若夫大學衍義一書。敘千聖之心

傳。備百王之治統。伏願

皇上朝夕講貫。証以六經之文。通諸歷代之
史。以爲敷政出治之本。至於左右近

習必端厥選。內而深宮燕閒。外而六
廷廣衆。微而起居言動。凡所以維持
此身者。無不備。凡所以防閑此心者。
無不周。則君志清明。君身強固。坐收
體乾行健之實功。直接二帝三王之
心法。措斯世斯民於唐虞三代之上。
又何吏治不清。民生不遂之足慮哉。

此又

聖諭所未及。而臣推本言之者也。謹

奏。

謹按曹本榮時爲編修。熊賜履時任

侍讀。陳獻疏章仰荷

聖主嘉納。實非常之榮遇也。謹錄之。

翰詹謝

恩疏

韓 茨

題爲

聖世文治光昌。教思廣育。儒林寵溢。恭謝

天恩事。竊惟聖人以作君而作師。合道統爲

治統。要在文思光被。教澤深長。故九

德采於虞廷。三物興於周禮。乃自詞

曹之設。本以儲養羣材。端尹之司。亦

嘗廣收妙選。而寵榮徒寄。訓誠罕聞。
要未有揭聖學之精微。煥斯文之宗
主。天言包括。如八卦之盪摩。寶墨光
華。倍五雲之絢爛。曠乎萬古。慶始

聖朝。恭惟我

皇上

德縱自天。

學稽於古。

心勤宥密。旣廣運而旁通。

極建中和。悉兼綜而條貫。蓋

性天之奧。卽布爲萬殊。故

翰墨之工。皆歸於一貫。江山輝映。已徧留碧

落之

題。卿尹翹瞻。常拜舞紫薇之

字。而詞臣清切。

宣賜尤多。莫不拱作堂顏。珍爲卷軸。頃復仰

邀

宸眷。申錫

殊恩。

念蘭臺秘省。人才端在濯磨。

謂芝苑仙班。

大治須加陶鑄。

特召大學士臣玉書。臣賜履。暨吏部尙書臣

廷敬。至

乾清門出

御書道德仁藝四大字。

賜翰林院。德業仁義四大字。

賜詹事府。更虛懷下詢商酌當否。臣玉書等

咸各贊歎。謂渾涵足蔽夫萬言。精切
適宜於兩署。既自然而不可易。亦極
至而無以加。乃

命頒賜

臣

等衙門。

臣

等虔捧自

天。仰答無地。竊思道與藝合而德備。業隨義
盡而仁全。我

皇上集往聖之大成。挺

一人之先覺。久已曲成萬物。覺牖羣倫。茲復
恩賜題辭。闡揚厥旨。字字抉可聞不聞之秘。
言言示此心此理之同。緬昔朱子之
作箴。不逢聖主。豈期

帝歌之結契。錄此嘉言。臣等雖列官牆。僅習

章句。未能知味。徒爲飲食之人。昭若
發蒙。頓開日月之照。從此西園東壁。

矢朝夕於曩編。秋實春華。交悚惶於
歧路。至若

龍騫鳳舞。如覩神禹絳霄之碑。

墨妙筆精。遠過太平玉堂之額。莫能名象。總

屬化工。謹當金碧雕鏤。雙懸公廨。更

復貞珉摹勒。永寶萬年。臣等不勝踴

躍歡忭之至。爲此合詞具

奏恭謝以

聞。

表

謝授館職表

勵杜訥

臣

訥叨蒙

聖恩。授翰林院編修。謹奉表稱謝者。臣誠惶

誠恐稽首頓首竊以

鼇禁風清。宜慎端良之選。

龍山地迴。應推博雅之林。

恩膏特渥於凡材。

拔擢遂超乎常格。寵維踰分。慚乃倍增。臣性

本顓愚。資尤謏薄。鷄壇藝圃。未探邱

索之遺。蠡測管窺。莫挾典墳之奧。是

以章縫久曳。興歌鳴鹿。以懷慚。及乎

芸閣宏開

詔試雕蟲而色喜。衡茅下士儼載筆於石渠。
金匱之間。鉛槧微勞。得附名於璫冊。
瑤函之末。已深厚幸。復荷

榮施。願依竹素以覃思。長矢葵衷而効悃。至
乃甘泉供奉。真教望若雲霄。况於玉
署優除。豈敢形諸夢寐。茲蓋伏遇

皇帝陛下。

智協重華。

仁符廣運。

功崇典學。厯寒暑以不渝。

志切右文。遇菲葑而弗棄。弓旌賁於山澤。僉
謂野無留良。車服盛於

朝堂。共羨

王多吉士如

臣

者自維陋質。僅同樗櫟之材。

幸際

昌辰。敢墜蓬麻之志。欽承

隆眷。留侍

內延。

奎畫宸章。時仰瞻於

黼座。金莖玉饌。常拜

賜於

經帷。

天語承宣。拂紅雲而親

鳳展。仙臺侍宴。依紫極以近

龍顏。洵爲不世之榮。夫豈尋常之遇。星霜數

易。未攄尺寸之長。

雨露頻垂。正切冰淵之慮。忽

頒新命。實媿汗以難承。更署清班。益驚惶而
莫措。思然藜於

秘府。旣非視草之才。擬委佩於麟臺。更
忝編摩之任。懷鵜梁而滋懼。顧蚊負
以何堪。縱効涓埃難酬

高厚。伏願

旁求俊乂。

廣納真儒。

器使因才。曠觀於牝牡驪黃之外。

官方論辨。務嚴乎燕石魚目之分。庶翼爲明

聽之休風。比隆於往古。萋華雖階之

盛事。再見於今茲矣。臣無任感

天荷

聖激切屏營之至。

摺

賜

御製全韻詩進重排千字文恭跋復蒙

賜

御筆獎諭并研墨貂裘謝摺
彭元瑞

竊臣籍忝清華。

光依

禁近麀_麀習童蒙之詒。敢闕著作之林。昨
者蒙

恩拜

御詩之全韻。跼而伏讀。服

聖作之大成。賅一百六部聲音文字之原。揭

四千餘年理亂興衰之鑑。發皇

大烈示

當年創業垂統之艱難。式廓丕基昭。

今日

祖述憲章之美善。法刪書之斷始。自堯以來。

例

評鑑之要終。在夏不遠。苞孕萬有。進退百王。

誠哉書紀賡歌。未臻廣大。詩編雅頌。

罕儷精純。

臣

雒誦百回。盟書全冊。手

胝口沫。久鑄識於中心。蠡測管闕。思綴文於末簡。而

日月在上。難爲螢燭之光。

磬咸正鳴。敢効箏琶之響。麟經旣作。言游莫

贊其一辭。柏梁有詩。臣朔幾窮於末

句。舌每撝而不下。手欲脫而難成。勉

繹小學之千文。重次頌言之四字。才

原鞿線。不遮襞績之痕。聲作竅蠅。自
謂彭亨之蠢。撫衷窘蹙。奏

御兢慚。何期布鼓之持。竟辱

綸音之獎。特加

渥賜。悉屬奇珍。

題標竹垞遺經。印云西峻。製出松煤秘法。守
者回氏。襲以豐裘。捧得卽春生氣暖。

加諸短褐。著來覺

恩重身輕。况復

褒語天垂。

宸毫露湛。

黃綾本裏。久欽先覩。爲榮金粟牋中。細數向
來未有材真最下。想總無奇。雖

君父之誘掖。恒寬而愚賤之僥逾。莫甚感深

益奮榮極彌慙

臣

惟有鈍質研磨。

訓言墨守。凜持躬於被服。恒惕念於

絲綸。虔思職守。宜勤兼冀文章少進。庶幾

大鈞鑄物。不負臣子夙夜之心。小草向榮。能

報

天地陽春之德。

蒙

恩命掌院列銜在前并免帶領引

見謝摺

彭元瑞

竊臣本屬樗材。矧當榆景。受

恩三紀。幸依

禁近之光。備職十年。玷領清華之省。論

班列宜居右地。是爲鷺序之常。循品

級已忝頭行。總荷

龍光之錫。乃蒙

申命。俾長寅恭。自撫分以何安。實覲顏之

彌甚。而且

聖慈天覆。

詔語春溫。

眷茲犬馬之年。憐及夔蛇之步。凡當引對。

特免趨承。

恩淪浹而靡涯。直周頂踵。感悚惶而莫報。

真沁心脾。惟有體

高厚以省躬。自勤遲暮。更冀奮精神而策
蹇。長効馳驅。

皇朝詞林典故卷四十一

皇朝詞林典故卷四十二

藝文

序

內廷應

制集序

張英

康熙十二年癸丑春。

天子御講筵。從容與學士言。朕欲得文學之

臣朝夕置左右。惟經史講誦是職。給內廬
以居之。不令與外事。其慎擇醇謹通達者
以聞。時舉臣名入對。

上心識之。自是再四

諮詢。對者無異詞。迄十六年丁巳冬。有

內廷供奉之

命。

賜邸舍於瀛臺之西。辰而入。終戌而退。

乾清宮之西南隅曰南書房。

上舊所御讀書處也。命處其中。飲饌給於

大官。執事使中涓。筆墨器具之屬。皆取

於

御府。珍果饌羞之徹。自

御饌者。日數至焉。

御

乾清門聽政後。則召至。

懋勤殿。辰巳前講經書。午後讀史。

諮詢對揚辨論之語。詳於

南書房記注。自丁巳冬迄壬戌春。未嘗

一日少間。伏念自古人臣間從殿陛。

一見天子。數語達於宸聽。終身以爲

榮幸如_臣者侍從

燕閒趨承

經席陪奉

密勿前後近十載。

細旃廣廈之間。陳典謨。談易象。博綜前

史。上自洪荒。下逮近世。握丹鉛於

香案。聽鐘漏於

華清。

霽顏溫語。恒如家人父子。謂非遭逢之極則。
恩遇之殊軌哉。時或著爲詩篇。以紀述盛事。

甫脫稿。卽陳於

御座之側。吮毫授簡。成於俄頃者。多有之。唐
鄭亞序李文饒之制集。有曰。牙管旣
輕。芝泥將熟。嘗於席前。親授筆札。公

亦分陰可就。落簡如飛。臣固不敢追

蹤贊皇。而殿陛之間。一時情事。則亦

古今之所同也。二十一年壬戌春。請

假歸葬。屢降

溫綸。渥被

恩賜。俾得暫休沐於鄉里。因輯四年以來詩。

爲

內廷應制集二卷。其間詞句粗疎淺劣。

當時多不暇點竄。今皆悉仍舊稿。存

其實也。昔歐陽公旣老歸淮潁之間。

輯內外制而序之。因念平生仕宦出

處。且謂顧瞻玉堂。如在天上。臣今得

奉

恩築室於龍眠山中。與田夫野老稱說

聖天子盛德。儒臣寵遇。撫今思昔。感激詠嘆。
更復何能自已哉。

講筵應

制集序

張英

臣英謬以疎賤。謫薄際

昌時。邁

景會。以康熙六年丁未。成繆彤榜進士。授翰

林院庶吉士。是年冬。以憂去。九年庚戌。服闋。補原官。十一年壬子秋。授編修。次年春。充禮闈同考官。三月。

上幸南苑。命

臣

英偕同官

臣

史鶴齡扈從於

行宮進講。

詔獻南苑賦。嗣後每

巡行。必侍從。或獨往。或與侍讀

臣

孫在豐偕。

是時扈

蹕多在

南苑新宮。綠槐高柳。掩映丹雘。千幕周
羅。六師環列。衛霍金張。以及期門羽
林之士。翼豹尾而處者。雲蒸雷殷。深
嚴閎麗。不可殫述。臣以書生。抱簡牘
其間。晨則委蛇

皇朝詩林身古 卷四三
丹陛。夕則退處。

直廬承

顏邀

睽。

恩遇無比。時從

幸。晾鷹臺觀試馬。紫騮赤駱。躡雲追電。

天子第其駑駿。以賞勸諸王公大臣。則獻試

馬歌。一日漏下十餘刻。

上御行殿。秉絳蠟。作大書。使人問二臣。知在

直廬觀書。

命作良馬詩以獻。或風日和美。

上率左右虎賁。講武平郊。歷

上蘭踐。

甫草出。則朱旗舒徐。入則鐃吹震發。凌

晨侵夜必。

召二臣講論經史。殫究義理。日有程課。罔以

寒暑間。

臣

自顧雖陋劣無似。然每得

以聖賢載籍。陳說於

君父之前。視古人奉屬車清塵。詔獻甘泉上

林賦者。竊以爲榮。此則

聖天子典學之勤。俾臣子有稽古之益也。是

年秋。授日講起居注官。其後學士

臣

熊賜履入典閣事。

內殿進講。專命

臣

及在豐從事。雞未鳴。

時。從長安門步至左翼門。祇候少頃。

東方漸白。樓鶴羣起。星稀殿角。露浥。

階城。偕奏事諸臣。方曳組而入。至。

乾清門。候諸臣奏事畢。內侍傳入。

弘德殿。殿中左右列圖書。南向設

御坐。北向設講官席。皆用黃絁幕。中設爐焚

香。講官既入。則侍從咸退。講官再拜

北向立。敷陳經義。時有所

諮詢。既退。

命賜茶於

乾清宮門。如是者三年。由左春坊諭德

優擢侍講學士。先後同在講筵官。則

澤州學士臣陳廷敬。崑山學士臣徐

元文。臣葉方藹。接

天顏於

內殿。蒙

顧問於

黼席。圖書翰墨貂綺之

三才圖會卷四十三
賜。歲數至焉。是時也。海內寇賊未平。

天子方宵旰殷憂。四方將帥咸稟承

廟畧。措兵籌餉無虛晷。且日

御講筵。與臣等討論古昔。於此窺

聖度之高深。

睿學之懋敏。太平之所以立致也。因輯歷年

所進詩若干首。爲

講筵應

制集而并敘其所遇如此。

瀛臺

賜宴序

潘耒

臣

聞地天垂象。泰交之道以成。木火

繫爻。鼎養之義斯著。樂有徵招角招
之奏。禮存三爵二爵之文。彤弓湛露。

播在風詩。酆水鈞臺。標於傳記。自昔
哲王。有饗有宴。將以訓恭儉而示慈
惠。昭文章而辨等威。非直黼黻大猷。
潤色鴻業而已也。至如漢宮長樂。依
綿蕞以爲儀。晉代華林。緣祓除而成
俗。栢梁興枚馬之辭。曲水盛顏謝之
制。昆明池上。筆墨橫飛。華萼亭中。觥

籌交錯。流湏之塗寢開。莊敬之風邈
矣。然猶形諸聲詩。被之金石。鏗鏘炳
煥。千載可觀。我

皇上亶聰濬哲。允武允文。法夏后之卑宮。師
姬文之昃食。歲

下蠲租之令。朝

頒省罰之科。

轉圜從諫。鞞鐸徧於

宮廷。

側席求賢。弓旌周於巖壑。

兢兢業業。無怠無荒。用能綏奠寰區。削平僭

逆。一苞三蘖之寇。駢首檻車。射天逐

日之渠。傳膏齊斧。跨滄溟而斲鯨。掩

碧落以弋狼。

治定功成。

仁漸義洽。於是

推恩臣下。

加賚具僚。及

萬幾之餘閒。施

三接之隆禮。歲在作噩。月惟孟秋。有

詔。廷臣特垂曲宴。惟

瀛臺者。

天府之奧區。

宮城之陸海。疏玉泉而作沼。象蓬島以

爲臺。洪波浩瀚浸其隈。茂樹葱蘢蔭

其曲。紅蕖綠茨吐納烟霄。繡栱璇題。

蔽虧日月。

天子恒以炎蒸之節。清暑於茲。羽衛森嚴。周

廬交屬。攀躋所莫逮。簪裾所莫經。幸

沐

恩榮。來遊來矚。於是泛蘭橈。浮桂楫。徜徉乎

靈渚。瀏覽乎芳林。溯顥氣之空明。凌

神飈而輕度。升降修阪。徙倚平皋。臨

清漣以振纓。藉細旃而凝睇。俄而珥

貂宣

詔。

寵錫自

天出。

內府之織文。爛天孫之雲錦。題名署氏。

望之有輝。疊雪披霞。服之無數。爾乃

間花張幕。倚樹開筵。授几以班。設俎

有序。饗人執饌。膳夫進羞。鱠鮮鯉於

蓬池。菹芳蓮於玉井。膺熊羆豹之味。
充衍方圓。調蘭醞露之珍。厭沃薌澤。
然後流金尊。騰羽爵。雲漿百斛。瓊液
千鍾。降

天語之溫渟。臨重臣以敦勸。在公載燕。不醉
無歸。然而肅雝在庭。儼恪在序。舍爵
有油。油之色。還坐無躑躑之容。迨乎

日晷西靡。樹陰東徙。相與整冠約帶。

鵠立鳬趨。瞻拜

闕廷。雍容成禮以退。斯可謂和樂而不濫。恭

敬而溫文者歟。

微臣

幸生

昇平之代。爲侍從之臣。屬在末班。預逢

曠典。豈可使

湛恩

沛澤鬱而不宣。雖戴高履厚。

帝力難名。而叩缶擊轆。微忱少展云爾。

館選錄序

張廷玉

自古右文之世。必慎選儒臣。置諸左右。以爲典學之助。漢有金馬石渠。蘭臺東觀。宋有總明。陳有德教。周則虎門麟趾。齊則仁壽文林。唐則麗正集。

仙。開元中乃定爲翰林院。俊金鑾之
密記。建學士之新樓。至今藝苑猶豔
稱之。而庶吉士之名。則自前明永樂
甲申始相傳。是年命解縉合三科選
之。得二十八人以應列宿。其後乃著
爲例。至會推閣臣。非由詞林起家者
不與焉。吉水劉文節之言曰。近代命

相皆取詞林。詞林雍容雅度。一切齷齪猥瑣。曾不關其慮。博而習於故。靜而徹於幾。能以事外之身。策事成敗。惟詞林爲勝。然則國家之所以設立詞臣。與詞臣之所以報稱國家者。概可知已。我

國家重熙累洽。文治光昭。詞臣之設。因

仍舊制而寵禮優渥。不啻倍萬過之。
百年之內。化澤涵濡。人才輩出。宰輔
之任。多由是選。而其他之列卿尹膺
封疆者。類能有所建豎。卓絕於時。得
人之盛。超越隆古。我

皇上纘承

鴻緒。

盛德日新。登明選公。惟恐不及。而於文學之
臣。尤所鄭重。其考課有時。其優卹有
禮。其登進有階。而且進講。則親承

聖誨。矢歌則仰和。

天章。乾隆九年。新修翰林院落成。

鑾輿臨幸。親灑

宸翰。以褒勵之。讌賚便蕃。俾各爲歌詩以紀

其盛。恩遇之隆。亘古未有。故仕宦者
以科目爲榮。若科目而至詞臣。則榮
之榮矣。因思列科進士。皆有題名之
碑。登科之錄。以誌一時榮遇。至庶吉
士爲詞臣發軔之始。允宜勒成一書。
俾後之覽者。有所稽考。昔頗留意於
此。而公務紛繁。未遑屬草。門人沈椒

園侍御。由博學鴻詞科入翰林。留心掌故。考自

國初以來。凡進士之改庶常者。彙其姓氏里居。都爲一集。題曰。

國朝館選錄。而問序於余。余念自先文端以弘文院庶吉士。游登相位。掌院事者十二年。廷玉無似。繼文端後。亦

起家庶常。迄於今職掌院事者又二
十四年矣。且屈指吾家。自先文端而
下三世入翰林者凡九人。同祖者又
二人。是廷玉一門受

聖朝恩遇。至深至厚。而自慙衰老。報稱無術。
披閱是編。不禁感與愧之交并。旣嘉
侍御之先得我心。而又願世之登是

錄者。咸克自奮勵。以毋忘
國家教育之意也。於是乎書。

同館課藝序

張廷玉

翰林爲國家儲育賢才之地。職親而
務簡。專一思慮。以經術文章爲課績。
我

皇上右文稽古。加意儒臣。一時文學之士。皆

得躋列清華。師資講肄。著作多斐然。
大雅之音。編修鍾子仲恒。彙聚近科。
以來詩文爲一集。先以賦頌若干篇。
授梓。請序於余。古稱登高能賦。可以。
爲大夫。而班固言抒下情而通諷諭。
宣上德而盡忠孝。雍容揄揚。雅頌之。
亞。其盛乃與三代同風。固未可以雕。

蟲霧縠薄而不爲也。我

聖祖仁皇帝嘗以詩賦試天下博學宏詞之士。得人極盛。而今制庶常散館。

御試有制藝有論有詩有賦。至

國家舉行大典。恭遇慶賀。與夫嘉祥上

瑞。宣示在廷。則詞苑諸臣。往往有進

御之作。館閣之重賦體也。尙矣。夫應制之篇。

以和平莊雅爲貴。氣雖馳騁有餘。而

音之厲者弗尙也。意雖跌宕可喜。而

格之奇者弗尙也。語雖新穎巧合。而

體之佻者弗尙也。詞藻雖豐徵引雖

博。而言與事之凡俗者弗尙也。鞞鐸

之振厲。不足語雲門韶濩之鏗鏘。林

壑之幽深。不足語建章鳩鵲之鉅麗。

雉頭蟬翼之瑰異。不足語山龍黼黻之文章。揚子雲有言。詩人之賦。麗以則。又曰。中正則雅。而王仲淹以謹而典。約以則。爲君子之文。居承明著作之庭。當授簡簪毫之任。固不徒以抽秘逞妍。儷紅嫵白。爲能事也。是編所錄。大都宮商協應。抗墜得宜。藻思芊

眠首尾溫麗。合纂組以成文。列錦繡而爲質。要其程材效技。按部就班。極磨礪追琢之功。有俯仰揖讓之度。殆所謂詩人之賦。而君子之文學者本之。漢魏大篇以立其幹。參之唐宋近體以暢其支。而以是編爲之標準楷式。於以鋪張。

盛烈。鼓吹。

休明。彬彬郁郁。將進而與三代同風者。其在是歟。爰不辭而爲之序。

同館課藝序

黃叔琳

賦者宣上意。抒下情。通諷諭。雍容揄揚。豈所謂侈言弗驗哉。揚子雲雖云雕蟲篆刻。壯夫不爲。而朱子乃謂雄

之太元法言。亦上林長楊之類。則雄
所爲。其庸愈於賦乎。且如明堂郊社
燕饗耕藉臨雍省方習射校獵。形之
篇章。一代之典禮寓焉。不可忽也。夫
玉卮無當。雖寶非用。作者固有含華
就實之能。而選者亦豈以靡聲曼色
是尙我。

朝

聖

聖相承。右文典學。

萬幾之暇。留心詩賦。萋苴追琢之旅。列記注

於綸扉。備

顧問於宣室。館課以賦。多雅頌之遺意焉。始

余與同館諸君。珥筆

春明。備覽名章鉅製。諷詠而昌之。後改
官卿曹。游歷外寮二十年餘。升沈倚
伏。顧瞻玉堂。如在天上。然於扈從侍
直及

召試散館。所傳未嘗不亟欲覽其文。以神遊
於鼓吹休明之盛。因歎天下人文。聚
於翰苑。而其著作或進諸秘府。或散

在鴻都。傳之各集。思欲網羅搜輯。成
一代鉅觀。而此志耿耿未逮。岱峰奉
常。具稟經酌雅之材。邀珪璋特達之
遇。既嘗殫心斯事。且懼同館之文散
而弗收也。因彙其麗以則者。都爲一
集。使百餘年間。

楓宸甲乙。瀛洲考課。星爛雲紉。發皇耳目。如

聽大章之章。咸池之備。如遊周序。兌
弓和矢。天球河圖之森列。如誦卷阿。
咏天保。想見穆穆棣棣君臣之間。昔
之有志未逮者。乃於同志遇之。且以
渙。溲之作。有負文章報

國之初願者。亦登是選焉。奉常其勤矣
乎。後之處承明著作之庭者。將以是

爲雅頌之梯航焉。則嘉惠來學無窮也。

同館賦選序

鍾衡

我

國家重熙累洽。文教之隆百餘年矣。士
生其間。沐浴詠歌。麟麟炳炳。以詩賦
名家者。非賡颺於朝。卽謳吟於野。和

聲之鳴。皇哉唐哉。余前由翰林。厯臺垣。次第纂輯。同館課藝。自癸卯迄壬戌。分爲三集。旣已風行寰宇。人編摩而戶絃誦矣。因思

列聖相承。代生杰士。雲蒸霞蔚。著作如林。其傳播人口者。片玉碎金。人皆奉爲至寶。急思薈萃成編。罄連城於荆石。窮

照乘於漢濱。抉渺振幽。割腴收采。哀
然爲藝苑之完書。顧無如蒐羅之難。
有倍於曩時者。世遠年湮。老成凋謝。
間有存者。又往往散處四方。有之而
不能得。得矣而不能聚。每至零落於
蟬編蠹簡之中。良可悼惜。夫湯盤孔
鼎。岐陽之鼓。岱山鄒嶧。會稽之刻石。

與夫漢魏已來。桓碑彝器。銘詩序記。
下至古文籀篆。分隸諸家之字書。皆
可聚而有也。歐陽六一爲集古錄。以
傳後學。序而藏之。况

聖朝人文之盛。與三代同風。鴻裁偉構。傳之
士林。千載爛焉。可聽其或存。或亡。久
而湮沒不彰乎。爰是廣爲搜輯。請於

北平黃崑圃前輩得所鈔錄賦本二冊。又檢閱諸名家刻本及舊時藏之篋笥者。詳加選擇。共若干篇。陸續付梓。閱三載始告竣。與數年來所鐫同館課藝前後相輝映焉。庶幾導揚盛美。鼓吹休明。雲龍風虎。必有聲應而氣感者。則是編不無小補云。

館選錄序

周長發

國朝館選錄一帙。吾友沈椒園侍御之所集也。椒園與予同舉詞科。初選吉士。繼由編修改御史。柱後惠文。風凜凜然。敢言聲在天下矣。今夫駕千里者。必發軔於一舍。中百步者。必剡羽於尺咫。翰林諸官。由編檢講讀學士。

至卿相。皆自庶常始。然則吉士者。其亦臺省發軔剡羽之所乎。

國初訖今百年。新進士得選庶吉士。多不可計數。其名姓或往往湮鬱不彰。將就零落。爲可歎也。椒園慨然爲之考錄。而使有傳焉。意亦勤矣。書曰。庶常吉士。官之名實以此。古者以德選。

固非獨以才升也。椒園之爲是編。以爲居此者。必思有以稱其官。其用意甚深。非特爲翰林備掌故而已。則其尤可傳者哉。

館選錄序

沈廷芳

翰林爲文學侍從之臣。以備顧問。司講幄。代言論思。掌制編校。職綦重矣。

自漢京以宿儒處直廬。歷代咸加優禮。然率由他職試除。明初始以進士一甲先授職。餘拔其文學優等者爲庶吉士。謂之館選。三年試之。方得除編修檢討。累至卿相。若改用省曹。往往不得再任其職。故當時有玉堂天上語。誠重之也。

國家右文盛治。人材蔚興。甲科詞科。旣得館選。間用他官之善文翰者。特改是職。彬彬乎遠邁前代。

今天子聖學閎深。尤隆儒術。

臨幸苑中。賦詩錫宴。更命集古今翰苑事爲

詞林典故一書。斯文丕振。亘古希覲

矣。廷芳向學於舊史氏。嘗閱朱檢討

葵尊瀛洲道古錄思集

皇朝館選羣公名氏以資考訂。乾隆元年。
倖叨是選。乃於天祿紬書之暇。博稽
往籍。載繹舊聞。上列名次。下注籍貫。
起自順治丙戌。至今之乙丑。循科按
年。積久成帙。題曰國朝館選錄。中間
或掛漏不免。然觀覽前修。亦足以徵

聖世人文之盛。聊備典故之采擇。兼補道
古錄所未收。爰付開雕。存於館下。質
諸前輩。且俾後之預選者。續刊焉。夫
翰林儲材地也。公忠碩輔。理學名臣。
胥於此焉出。居是官者。端在才德兼
優。學醇行備。乃足以仰答

隆遇。爲邦家光。易曰。雲從龍。風從虎。詩曰。

濟濟多士。文王以寧。豈僅以文章報國哉。

詞科齒錄後序

齊召南

制舉之行。始於漢。亦莫重於漢。而以名其科。則始於唐。選舉志稱天子自詔者曰制舉。所以待非常之才是也。顧唐時制舉。其名隨時更易。所謂博

學鴻詞者。開元中常舉之。特與賢良方正。直言敢諫。博通文典。辭藻宏麗。才識兼茂。諸目俱稱制科。宋世猶沿其法。而專以博學鴻詞名科。則自紹興中始。得人之盛。前史班班可稽。我朝文教昌明。超越前古。康熙己未歲。聖祖仁皇帝特開是科。擢五十人入翰林。時

稱極盛。又五十餘年。

世宗憲皇帝復詔中外大臣。悉心蒐訪。薦於朝廷。及我

皇上御極。多士雲集闕下。乃於乾隆丙辰試於

保和殿中。拔十五人。明年續試。其後至者。又拔四人。蓋曠世之

盛典。非復唐宋時間歲一舉。士子先期

投牒。有司臨時奏名者。可同日而語

也。

召南

學殖舛陋。倖獲廁名。嘗考前

代有科名記諱行錄。同歲名諸書。卽

今春秋二試所集齒錄也。略倣其例。

首登

詔旨。次錄試題。及甲乙等第。後列同籍諸君

之姓氏里居世系舉主而詳書之。合爲一集。名曰詞科同年齒錄。夫科目之重。重以人也。漢白黿董對策以還。賢良多矣。其可並黿董者。曾不過數人。唐宋中制科者尤不可勝數。惟張九齡。韓休。楊綰。顏真卿。陸贄。杜黃裳。裴度。李絳。白居易。柳公綽。富弼。張方。

平。蘇軾。蘇轍。呂祖謙。周必大。王應麟

等。至今赫赫在人耳目。卽已未一科。

有睢州之品行端醇。湯斌毛朱之學問

淹洽。毛奇齡陳潘諸公之才藻炳煥。

陳維崧實堪追配古人。故足重也。預

是科者。其可不思白樹不朽。以上答

知遇乎哉。錄成。敬識數言於後。

同館試律彙鈔序

德保

我

皇上聖學高深。

睿思天縱。

御製詩四集計三萬餘首。東井珠聯於五字。

北辰杓貫於七言。日月光華金玉英
潤。自古以來哲后賢君。未有如

大聖人之寶字瓊篇。輝麗萬有。以

一人之聲律。標百代之元音。豈帖括末學。所能窺象。躔而測瀛海哉。而宇內之士。

恭讀

宸章如聆韶濩於鈞天。幽崖昧谷。無弗吐氣含和。思効賡颺以鳴。

國家之盛。自乾隆丁丑會試。欽奉

特旨。易表判爲五言八韻排律一首。以爲取
士準則三十年來。涵濡

文教。摩厲功深。工雅典贍。蒸然超越三唐。猗
與盛哉。余受

恩至優極渥。五典春闈。領詞垣。教吉士。獲備
覽天下人文之盛。今復恭承

諭詔。詩改前場。操觚握管之士。咸奉試律。爲

正宗。何況珥筆木天。簪毫瑣闥。雍容
揄揚於

聖天子之側者哉。是以館閣應

制詩。向來刊刻流布各種。固已裨益後學。足

資誦讀矣。顧人文日起。依永和聲。後

先接踵。有非諸集之所及錄者。時帆

學士。余庚子所取士也。英年篤學。銳

志潛修。自館選之後。朝夕研究。手不
釋卷。凡古今人詩文。靡不留心含咀。
繼而蒙

恩授少司成。旋擢春坊庶子。今職學士。偕同
館諸君子。取

國初至乾隆五十年館中應試五言八
韻排律。彙集成帙。問序於余。昔翰林

學士宋白等選文苑英華表曰席分
經史堂列縹緗咀嚼英腴總覽翹秀
撮其類列分以部居使沿泝者得其
餘波慕味者接其絕唱今學士之鈔
是集雖分英華之一體而類列部居
誠媲美於前哲他時厯科增輯著爲
雅頌兼備風騷摘鸞鳳之羽毛截犀

象之牙角。將見希光雲漢。集秀藝林。
文海津梁。玉堂佳話。獨非學士編摩
之職哉。

清秘述聞槐廳載筆二書序

朱珪

翰林。史官也。自古歷三代。越唐宋元

明。暨

國朝代以爲榮。然非獨摛文藻。誇寵遇。以蓬山爲捷徑也。必將敦品茂學。處則傳名山。出則作霖雨。入則爲羹梅。所謂宰相須用讀書人。蓋古今名賢。大半出此。而負此官者。亦不少矣。法梧門司成。優學而守官。其爲學士也。則著清秘述聞十六卷。其官祭酒也。

則著槐廳載筆二十卷。實事求是。文
獻足徵。詳矣確矣。珪無狀。自年十八

選館。出入中外。三入翰林。今且歸然

忝二十四科之首。稱先進焉。服官五

十二年。每以人才爲斷。斷而尤念釋

於翰林諸君子。相期近文章。砥礪廉

隅。以副

聖主求賢若渴之意。讀梧門此編。不禁反

覆而三歎也。

皇朝詞林典故卷四十二

